



VOGOŠĆANSKI DANI

OPĆINA VOGOŠĆA

- Kabinet načelnika
- putem Službe za privredu, integrisani lokalni razvoj i društvene djelatnosti
- Općinsko vijeće Vogošća

Ulica Jošanička broj 80
71 320 Vogošća

PREDMET: Dostava Izvještaja o realizaciji manifestacije „Vogošćanski dani 2026“

Poštovani,

U prilogu dostavljamo Izvještaj o realizaciji Vogošćanskih dana za 2026. godinu.

S poštovanjem,

ORGANIZATORI

JP RTV Vogošća

JU KSC Vogošća

Edin Spahić, direktor

Alisa Konaković, direktorica

Broj:

Datum: 13.8.2026. godine

Broj: 518/8/26

Datum: 11.8.2026. godine





VOGOŠĆANSKI DANI

IZVJEŠTAJ O REALIZACIJI

MANIFESTACIJE „VOGOŠĆANSKI DANI 2026“

Vogošća, august 2026. godine





VOGOŠĆANSKI DANI

1. UVOD

Organizacioni odbor Manifestacije privrede, sporta i kulture „Vogošćanski dani 2026“ imenovan je Rješenjem broj: 03-36-1854/25. Organizacioni odbor broji 7 članova i to:

- | | |
|--|-----------------------|
| 1. Alisa Konaković, predsjednik | 5. Emir Dragolj, član |
| 2. Edin Spahić, zamijenik predsjednika | 6. Haris Fazlić, član |
| 3. Amir Misirlić, član | 7. Ismet Bećar, član |
| 4. Amir Mustafić, član | |

U skladu sa odredbama Rješenja Organizacioni odbor utvrđuje smjernice i okvire za realizaciju “Vogošćanskih dana 2026”, na osnovu kojih organizatori (JU KSC Vogošća i JP RTV Vogošća d.o.o.) sačinjavaju Plan i program Manifestacije koji se nudi Općinskom vijeću Vogošća na usvajanje. U skladu sa propisanim procedurama okvirni Plan i program je blagovremeno dostavljen te usvojen na Sjednici Općinskog vijeća Vogošća održanoj u maju.

Manifestacija je trajala od 05. do 25.6.2026. godine. Programom Vogošćanskih dana planirano je i realizovano 40 aktivnosti.

Vogošćanski dani 2026 finansirani su najvećim dijelom od strane Općine Vogošća te iz sredstava zakupa, donacija i sponzorstava. Ovogodišnje Vogošćanske dane podržali su: Ministarstvo civilnih poslova BiH, Federalno ministarstvo kulture i sporta, Federalno ministarstvo okoliša i turizma, Ministarstvo kulture i sporta KS, Turistička zajednica KS. Takođe, sponzori i donatori programa bili su: PENNY plus, RCB Nanotehnologija, Hifa petrol, IFFCO Velvet te FARMAVITA BIH.

Organizatori manifestacije, kao i prethodnih godina, bili su JU KSC Vogošća i JP RTV Vogošća d.o.o. te su isti u potpunosti stavili na raspolaganje svoje ljudske i materijalne resurse kako bi adekvatno odgovorili obavezama sa ciljem uspješne realizacije svih programskih sadržaja.




2. KULTURNO – ZABAVNI PROGRAMI/SADRŽAJI

2.1 Koncerti

Ove godine u okviru manifestacije realizovano je osam koncerata.

Manifestacija je započeta okupljanjem maturanata vogošćanskih osnovnih škola pod nazivom **“Vogošćanski zambaci”**. Maturanti su prodefilovali Jošaničkom ulicom u pratnji „Druma orkestra“, a podržali su ih nastavnici, rodbina i prijatelji. Na Trgu branilaca Vogošće za maturante je organizovana zabava uz DJ MAHIRA. Programu je prisustvovao i načelnik Općine Vogošća Migdad Hasanović, koji je tom prilikom uputio čestitke maturantima, poželio im puno uspjeha u nastavku školovanja te zvanično otvorio Vogošćanske dane 2026.





VOGOŠĆANSKI DANI

Jedan od posjećenijih sadržaja u okviru manifestacije „Vogošćanski dani“ je takmičenje pod nazivom „**Djeca pjevaju hitove**“. Održano je u petak, 05. juna, a takmičilo se 18 djevojčica i dječaka koji su pjevali neke od najpoznatijih bh pjesama. Koncert je održan na Otvorenoj sceni na Trgu branilaca Vogošće, a pobjednici ovog takmičenja su: 3. mjesto Pita Anida, 2. mjesto Kulo Kerim i 1. mjesto Hadžić Merjem. Pobjednicima su uručene i prigodne nagrade.




Jedan od koncerata koji je privukao veliku pažnju publike bio je i nastup **Ibre Bublina**, održan u subotu, 6.6. s početkom u 20.30 sati na Trgu branilaca Vogošće. Bosanskohercegovački folk i pjevač sevdalinki svojim je koncertom priredio večer ispunjenu emocijama, odličnom muzikom i nezaboravnom atmosferom. Brojni posjetioци uživali su u njegovim interpretacijama poznatih hitova i sevdalinki, pjevajući zajedno s njim od prve do posljednje pjesme. Gromoglasni aplauzi i pozitivna energija publike potvrdili su da je riječ o jednom od najposjećenijih i najzapaženijih programa ovogodišnje manifestacije.



Koncertom sevdaha publiku u Vogošći u subotu navečer, 13.6. obradovao je jedan od najpoznatijih interpretatora sevdalinki u našoj zemlji, Ferid Avdić, a zajedno sa njim nasupili su članovi ansambla Nota. Gosp. Avdić je probranim evergrinima iz bogate riznice bosanskohercegovačkog izvornog muzičkog stvaralaštva, a posebno tradicionalnim pjesmama sevdalinkama i novim melodijama pisanim u njenom duhu, „počastio“ Vogošćane. Muzičku večer svojim interpretacijama uljepšali su i solisti ansambla Nota Amila i Hamza.



U petak, 19.6. u večernjim satima **Neno Murić** je održao sjajan koncert u okviru Vogošćanskih dana i publici priredio nezaboravnu noć. Neno je atmosferu sve vrijeme držao usijanom, izvodeći svoje i hitove domaće pop i rock muzike. Publika je tokom večeri uživala u bogatom muzičkom repertoaru, a brojni hitovi dodatno su zagrijali atmosferu. Uz pjesmu, emocije i sjajnu interakciju sa publikom, koncert je protekao u odličnoj atmosferi, ostavljajući snažan utisak na sve prisutne.





VOGOŠĆANSKI DANI

U subotu 20. juna Na Trgu branilaca Vogošće publika je imala priliku uživati u nastupu rock benda **Stakleni grad**, mlade i energične ekipe koja je svojim izlaskom na scenu unijela posebnu atmosferu i snažnu emociju među prisutne. Od prvih taktova bilo je jasno da je riječ o bendu koji zna kako uspostaviti iskrenu vezu s publikom, a upravo je ta povezanost ono što članovi Staklenog grada posebno ističu kao najvažniji dio svakog svog nastupa. Publika je s oduševljenjem pratila njihov nastup, pjevala zajedno s bendom i nagradila ih velikim aplauzima, potvrđujući da je riječ o muzičkoj ekipi koja svojim talentom, energijom i neposrednošću osvaja velike simpatije.



Tradicionalna **smotra folklora** održana je u nedjelju, 21.6. u 20.00 sati na Otvorenoj sceni. Publika je imala priliku uživati u posebnoj večeri posvećenoj folkloru, tradiciji i kulturnoj baštini, u kojoj je zapažen nastup imalo Kulturno-umjetničko društvo Vogošća. Uz domaćine, publici su se predstavili i gosti KUD Proleter Sarajevo i KUD Baščaršija, koji su svojim nastupima dodatno obogatili program i večer pretvorili u istinski praznik igre, pjesme i tradicije.





VOGOŠĆANSKI DANI

Sjajnim koncertom legendarne rock grupe **Zabranjeno pušenje**, održanim 25. juna s početkom u 20.30 sati na otvorenoj sceni na Trgu branilaca Vogošće, svečano je zatvorena ovogodišnja manifestacija „Vogošćanski dani“. Tokom dvadeset dana trajanja manifestacija je ponudila bogat program kulturnih, sportskih, zabavnih i društvenih sadržaja, privukavši veliki broj posjetilaca svih generacija. Završna koncertna večer okupila je brojne ljubitelje rock muzike koji su ispunili Trg branilaca Vogošće i uživali u nastupu jednog od najznačajnijih bendova regionalne muzičke scene. Publika je od samog početka koncerta pjevala zajedno s bendom, a prepoznatljivi hitovi poput onih koji su obilježili višedecenijsku karijeru Zabranjenog pušenja stvorili su odličnu atmosferu i pokazali da njihove pjesme jednako uspješno povezuju starije i mlađe generacije. Na kraju večeri bend se zahvalio publici na srdačnom prijemu i izvrsnoj energiji, dok su posjetioci dugotrajnim aplauzom ispratili izvođače. Upravo ovakav završetak još jednom je potvrdio da su „Vogošćanski dani“ prepoznatljiva manifestacija koja kroz kvalitetne sadržaje okuplja građane i goste te doprinosi kulturnom životu općine Vogošća.



2.2 Pozorišne predstave

Tokom ovogodišnje manifestacije Vogošćanskih dana realizovali smo tri pozorišne predstave.

Prva predstava koju su Vogošćani imali priliku pogledati jeste dječija predstava „**Ivica i Marica**“. Nakon uspješne proljetne premijere predstavu za djecu „Ivica i Marica“ rađene prema tekstu Braće Grim, a koju je adaptirao i režirao Zeničanin sa adresom u Vogošći, talentovani mladi glumac Aldin Tucić, ponovo se našla pred vogošćanskom publikom. U predstavi su igrali mali Vogošćani: Adian Dervišević kao narator, te mali glumci Bilal i Nejla Zukanović, Nedžla Mešanović, Džan Prnjavorac, Ian Selimović, Emina Durak, Hana Velić, Aiša Kuldija, Dalia Tucić i Benjamin Sirovina. Predstava je odigrana u kino sali 10. 06. 2026.godine u 18.00 sati.



Komedija „**Žiranti**“ prema tekstu Marija Ćuluma, u režiji Muhameda Bahonjića i u produkciji Bosanskog narodnog pozorišta Zenica u okviru manifestacije “Vogošćanski dani 2026” odigrana je u četvrtak 11. juna. Ova poznata komedija je privukla veći broj gledalaca u kino sali. U predstavi su igrali: Selma Ćosić, Zlatan Školjić, Adna Kaknjo, Adem Smailhodžić, Ermina Nišić i Muhameda Bahonjić. Dramaturgiju predstave potpisao je Hasan Džafić.

Tuzlansko narodno pozorište ove godine vogošćanskoj publici se predstavilo predstavom “**Budala na večeri**”, a riječ je o komediji koja priča o grupi prijatelja koji organizuju večere na kojima dovode “najveću budalu”, ne sluteći da će se situacija potpuno izmaći kontroli. Radnja ove duhovite i oštre komedije koja se vrti se oko elitnog društva koje, iz čiste zabave, svakog petka organizuje večere s “budalom” – osobom koju pozovu kako bi im bila izvor sprdnje do suza je nasmijala prisutnu publiku koja je u velikom broju ispunila kino salu. Režiju predstave potpisuje Midhat Kušljugić, a igrali su: Edis Žilić, Milenko Iliktarević, Remira Osmanović, Jasmina Dedić Ibrić, Siniša Udovičić, Elvis Jahić i Midhat Kušljugić.



2.3 Promocije knjiga

Tokom ovogodišnjih Vogošćanskih dana realizovali smo pet promocija knjiga i dvije književne večeri.

Prva knjiga koju smo promovisali jeste knjiga pod naslovom „**Srebrenko i druge priče iz Srcolike zemlje**“ autora Elvira Halilovića. Nije ovo bila klasična promocija u okviru koje su recenzent i autor govorili o djelu koje promovišu. Uistinu, ovo je bila interaktivna radionica u okviru koje su mališani uživali u vrlo poučnim pričama ali i u razgovoru sa autorom koji ih je podsticao da i oni jednog dana krenu njegovim stopama. Promocija je održana u ponedjeljak, 08.6. u 18.30 sati u foajeu JU KSC Vogošća.

U ponedjeljak, 15.6. u foajeu JU KSC Vogošća održana je promocija nove knjige našeg poznatog književnika Admira Džanke pod nazivom „**Koje je boje vuk**“, djela koje je već na prvo predstavljanje izazvalo veliko interesovanje publike i otvorilo prostor za razgovor o književnosti, emocijama i vrijednostima koje često ostaju potisnute u savremenom tempu života. O knjizi pored autora govorili su Edina Išerić, Seada Kuloglija, Mirza Herco, dok je moderatorica bila Mirzeta Kljajić.

Uvijek rado viđen gost u Vogošći, pisac za djecu Fahrudin Kučuk, održao je promociju svoje knjige „**Edo u crtanom filmu**“. Promociji knjige prisustvovali su brojni gosti i publika, a autor je govoreći o svojoj knjizi mališane na najljepši način uveo u svijet bajki i priča. Roman prati dječaka koji zahvaljujući svojoj bujnoj mašti pronalazi način da zakorači u šareni, čarobni svijet animacije i crtanih filmova. O knjizi je govorila književnica Lidija Sejdinović, a svojom muzičkom pratnjom Ernad Bihorac cijelom događaju je dao poseban pečat.

Promocija prve knjige Mease Ibraković pod nazivom „**Znaš li ti otkad mi tebe čekamo?**“ promovisana je u srijedu, 17.6. u 18.00 sati u foajeu. Knjiga nije samo književno djelo, već svjedočanstvo boli koja traje gotovo tri decenije, zapis o tišini koja nikada nije prestala i podsjetnik na odgovornost svih nas da čuvamo istinu o genocidu u Srebrenici. Knjiga je važno svjedočanstvo o genocidu u Srebrenici, stradanjima i snazi preživjelih. O knjizi je govorila promotorica Dženeta Sarić Kozić.

Knjiga „**Razigrana pričaonica bosanskih bajki i priča**“ čiji koautor je naša sugrađanka Lidija Sejdinović promovisana je dana 22.6. u foajeu. Razgovor o knjizi je vodila Lidija Sejdinović, autorica jedne od priča iz ove knjige, a skupu su prisustvovala djeca sa svojim roditeljima koji su uživali u krasnim pričama i u razgovoru sa Tetom Pričalicom.


Književno druženje pod nazivom „**Vogošćanska noć poezije, aforizama i satire**“ sa vogošćanskim autorom Vedadom Hasanovićem u foajeu dana 09.6. okupilo je veći broj posjetilaca koji su mogli uživati u jednosatnom druženju uz satiričan i duhovit osvrt na savremene društvene tokove i trenutno stanje u BH društvu.





VOGOŠĆANSKI DANI

Drugo **književno druženje** održano je dana 23.6. u foajeu, a vogošćanski su imali priliku družiti se sa književnicama iz Srednje Bosne Eminom Đelilović – Kevrić, Almom Zornić i Azeminom Krehić. Moderator ovog programa bio je vogošćanski dječiji pisac Elvir Halilović.



2.4 Izložbe, revijalno-kulturni sadržaji, film

Koncert osoba treće životne dobi pod nazivom „**Pjesmom i stihom kroz život**“ privukao je veći broj posjetioaca i pokupio velike simpatije gledaca. Tako je bilo i ove godine u foajeu kojom prilikom su korisnici Centra za zdravo starenje iz Vogošća u saradnji sa korisnicima USZ PARK svojim kvalitetnim izvedbama pokazali veliki talenat, sklad i harmoniju te osvojili srca i simpatije posjetioaca.



U okviru ovogodišnje manifestacije u foajeu je održana inkluzivna likovna radionica pod nazivom „**MI**“, koja je još jednom potvrdila značaj zajedništva, kreativnog izražavanja i međugeneracijske saradnje. Ovaj događaj okupio je veliki broj učesnika različitih generacija, predstavnike udruženja, učenike, građane te predstavnike lokalne vlasti, stvarajući prostor za druženje, umjetničko stvaralaštvo i međusobno razumijevanje. U izradi slike koja će postati i treći mural na zidu Upravne zgrade „Jasmin Isanović – Žuti“ učestvovali su i članovi udruženja SUMERO, Dajte nam šansu, ustanova PARK, učenici OŠ KOVAČIĆI. Koordinator projekta je naša umjetnica Tamara Vučinić Kahriman.



Tokom ovogodišnje manifestacije realizovali smo tri izložbe. Već tradicionalno ženska vogošćanska udruženja svojim rukotvorinama predstave se vogošćanskim posjetiocima. Prvom izložbom na Trgu branilaca Vogošće predstavilo se Udruženje „**Korak više**“ kojom prilikom su posjetioци imali priliku pogledati neke od ručnih radova ovih vrijednih žena.

Izložba rukotvorina i tradicionalnih predmeta u organizaciji **Udruženje Sahan**, koja je okupila brojne posjetioce zainteresovane za očuvanje kulturne baštine, tradicije i ručnog rada bila je druga izložba na ovogodišnjoj manifestaciji. Izložba je bila prilika da članice udruženja





predstave dio svog stvaralaštva, uključujući ručno izrađene predmete, tradicionalne motive i umjetničke radove koji njeguju bosanskohercegovačku kulturnu baštinu.



Zanimljivu izložbu u okviru ovogodišnje manifestacije postavili su uposlenici i štićenici Ustanove socijalne zaštite Park u Vogošći „**Likovni zapisi o zemlji Bosni**“. Izložba je nastala kao dio aktivnosti koje se provode u ovoj ustanovi ali i kao način da građani treće životne dobi kroz slikanje ugodno provedu svoje vrijeme. Izložbu su građani mogli pogledati u foajeu.

Izložbe su bile i prodajnog karaktera tako da su svi zainteresovani imali priliku i kupiti neki od radova.

U ponedjeljak, 22.6. građani su imali priliku u kino sali pogledati dokumentarni film „**Ramiz Salčin – sjeme otpora**“. Film je posvećen istoimenom legendarnom komandantu i heroju odbrane Sarajeva. Kroz 70 minuta, film prikazuje njegovu hrabrost i organizaciju otpora na brdu Mojnilo, u Nedžarićima, te u borbama na Žuči. U njemu svjedoče njegovi saborci, prijatelji i članovi porodice. Autorski tim koji stoji iza ovog projekta čine scenaristica Selma Kapetanović-Česir i rediteljica Eldina Zolj-Balenović. Ovo je bio i jedini film prikazan na ovogodišnjoj manifestaciji.

2.5 Dječiji program

Dječiji zabavni programi i ove godine bili su itekako zastupljeni u ovogodišnjem programu. Realizovali smo dva dječija programa, i to prvi put ove godine Kids festival i zabavu za mališane HAPPY KIDS.



VOGOŠĆANSKI DANI

Kids Festival održan 07.6. pretvorio je prostor Trga branilaca Vogošće u pravu zonu igre, smijeha i dječije radosti. Festival je okupio veliki broj djece, roditelja i posjetilaca, a cijeli dan protekao je u veseloj i opuštenoj atmosferi, uz bogat program koji je bio potpuno prilagođen najmlađima. Od ranih sati, festival je bio ispunjen dječijim smijehom, muzikom i igrom. Mališani su uživali u raznim zabavnim aktivnostima, druženju, animacijama, igrama i kreativnim sadržajima, a svaki kutak bio je ispunjen pozitivnom energijom i dobrim raspoloženjem. Posebnu pažnju privukli su nastupi i animacije koje su djecu stalno držale u pokretu i dobroj zabavi. Veliko oduševljenje izazvao je nastup zabavljača Mirsada Abdagića Kiketa, koji je poznat kao Kike Budalike. Svojim humorom, šalama i interakcijom s djecom, napravio je atmosferu punu smijeha i veselja, a mališani su ga pratili s velikim oduševljenjem, pjevajući, plešući i učestvujući u programu.



Zabava za mališane na Trgu branilaca Vogošće dana 14.6. bila je prilika za okupljanje i igru najmlađih zajedno sa svojim roditeljima. Mališani su se igrali na otvorenom, plesali, učestvovali u sadržajima koji se rijetko mogu vidjeti, poput nekada veoma popularne škole, a oni koji su željeli dobili su moderne ukrase na licu, tzv. face painting.





3. SPORTSKI SADRŽAJI/PROGRAMI

3.1 Turnir u šulenu

U okviru manifestacije Vogošćanski dani 2026 odigran je i turnir u šulenu. Ova aktivnost je održana po prvi put u okviru Vogošćanskih dana, a organizator je bio USRI Vogošća. Na turniru je učestvovalo 15 osoba, pretežno starija populacija. Podjeljene su diplome, sendviči i osvježavajuća pića za sve učesnike. Zahvaljujemo se organizatoru na trudu i učešću na manifestaciji



3.2 Memorijalni turnir u boćanju „Hazim hadžalić“

Na turniru su učestvovala tri ekipe sa područja Kantona Sarajevo. Treće mjesto osvojila je ekipa USRI Hadžići, drugo mjesto ekipa USRI Vogošća, a pobjednik turnira je ekipa USRI Ilidža. Zahvaljujemo se svim učesnicima koji su svojim doprinosom uveličali program Vogošćanski dani, posebno domaćinu ekipi USRI Vogošća





3.3 Tradicionalni planinarski pohod

U okviru manifestacije Vogošćanski dani 2026 održan je tradicionalni planinarski pohod na brdo Žuč. Stazama slobode u kojim su učestvovali naši branioци danas su pohodili učesnici od sedam od sedamdeset i sedam godina. Pohod je krenuo ispred Upravne zgrade Jasmin Isanović Žuti, a cilj je bio "Tri bukve" gdje se nalazi spomenik našeg rahmetli kapetana Muje Šejte. Na koti 830 mnv obezbjeđen je ručak za sve pohodnike.



3.4 Lov ribe udicom na plovak

Održan je i tradicionalni turnir u ribolovu udicom na plovak. I ove godine takmičenje se održalo na bari Lađenica. Učestvovalo je oko 50 takmičara podijeljenih u 14 ekipa. Ekipе koje su učestvovalе su Bistro Zenica, Vogošća, Sarajevo 1906, Hidajet Alić Hitko, Jelаh Tešanј, Bosna Maglaj, Visoko, Glavatica Jablanica, Zlatovčica Jajce, Ukrina Derventa, Bistro Kakanј, Vrbas Gornji Vakuf, Alagovac Nevesinje i Bistro Tuzla. Treće mјesto u ekipnom takmičenju pripalo je ekipi Sarajevo 1906, drugo mјesto Vogošća, а pobjednik turnira je ekipа Bistro Zenica.



3.5 Utrka za mlade

Međunarodni atletski miting mladih Vogošća 2026 uspješno je okupio više od 600 takmičara iz 25 klubova iz Bosne i Hercegovine i Hrvatske. Takmičari svih uzrasnih kategorija, od seniora do djece rođene 2021. godine, nadmetali su se u disciplinama trčanja (sprint i srednje pruge), bacanja (vortex i medicinka) te skokova (skok u dalj, skok u vis i troskok). Miting je protekao u odličnoj sportskoj atmosferi, uz veliki broj odličnih rezultata, osvojenih medalja i ličnih rekorda. Dan je obilježio mnogo sportskog duha, druženja i novih prijateljstava, potvrđujući još jednom da je Vogošća domaćin jednog od najvećih atletskih događaja za mlade u regionu. Zahvaljujemo se svim takmičarima, roditeljima, sudijama, volonterima, partnerima i sponzorima koji su svojim doprinosom pomogli da se Međunarodni atletski miting mladih Vogošća 2026 bude uspješno organizovan.



3.6 Malonogometni turnir u povodu Dana Općine Vogošća

U okviru manifestacije Vogošćanski dani 2026 održan je turnir u malom nogometu povodom Dana Općine Vogošća. Na turniru su učestvovala 4 ekipe i to : KMN Vogošća, Pionir Jablanica, NK Ilijaš i NK Ozren Semizovac. Dječaci koji su nastupili su 2017. godišta. Poredak plasmana ekipa je sljedeći treće mjesto ekipa NK Ilijaš, drugo mjesto ekipa Pionir Jablanica, a pobjednik turnira je ekipa KMN Vogošća. Najbolji igrač turnira je Tarik Lagumdžić KMN Vogošća, najbolji golman Davud Porobić KMN Vogošća, a najbolji strijelac Ermin Čekić NK Ilijaš.



3.7 Sportske igre mladih

Sportske igre mladih su tokom 2026. godine po prvi put održane u Vogošći, u organizaciji JU Kulturno-sportski centar Vogošća i Udruženja Sportske igre mladih BiH. Ovim projektom Vogošća se pridružila mreži gradova i općina domaćina najveće amaterske sportske manifestacije za djecu i mlade u Evropi, čiji je osnovni cilj promocija sporta, zdravog načina života, prijateljstva i fair-playa.

Program je realizovan od marta do juna kroz niz sportskih i edukativnih aktivnosti namijenjenih učenicima osnovnih škola s područja općine Vogošća. Učesnici su imali priliku takmičiti se u malom nogometu, rukometu, atletici, košarci, igri graničara i drugim disciplinama, dok je edukativni program „Zero Waste – Budi dio igre, čuvajmo našu planetu“ promovisao značaj zaštite okoliša i odgovornog odnosa prema prirodi.

Centralni događaj manifestacije bio je **Dan sporta**, održan u centru Vogošće 10.6, koji je okupio nekoliko stotina djevojčica i dječaka. Svečanim paljenjem baklje ozvaničen je početak završnih aktivnosti, a mladi učesnici su kroz sportska nadmetanja, druženje i zajedničke aktivnosti pokazali sportski duh, timski rad i međusobno poštovanje. Manifestacija je protekla u odličnoj atmosferi uz podršku roditelja, nastavnika, trenera i brojnih posjetilaca.

Organizacijom Sportskih igara mladih Vogošća je dodatno obogatila svoj sportski sadržaj namijenjen najmlađima, pružajući djeci priliku za aktivno provođenje slobodnog vremena, razvoj sportskih vještina i stvaranje novih prijateljstava. Veliki odziv učesnika i uspješna realizacija svih planiranih aktivnosti potvrdili su značaj ove manifestacije, koja je već u svom prvom izdanju u Vogošći ostvarila zapažen uspjeh i postavila temelje za njeno održavanje i u narednim godinama.



3.7 Javno praćenje utakmica Svjetskog prvenstva

U okviru manifestacije na Trgu branilaca Vogošće organizovano je javno praćenje utakmica fudbalske reprezentacije Bosne i Hercegovine na Svjetskom prvenstvu. Veliki LED ekran na centralnom prostoru Vogošće okupio je brojne građane, navijače i ljubitelje sporta koji su zajednički pratili nastupe „Zmajeva“ i podržali reprezentaciju u susretima grupne faze takmičenja.

Prva utakmica koju su građani pratili bila je **12. juna 2026. godine**, kada je reprezentacija Bosne i Hercegovine na stadionu u Torontu odmjerila snage sa selekcijom Kanade. Susret je završen rezultatom **1:1**, a pogodak za Bosnu i Hercegovinu postigao je Jovo Lukić, dok je Kanada do izjednačenja stigla u nastavku utakmice.



VOGOŠĆANSKI DANI

Nekoliko dana kasnije, **18. juna 2026. godine**, na Trgu branilaca Vogošće pratio se duel između **Švicarske i Bosne i Hercegovine**. Utkmica odigrana u Los Angelesu završena je pobjedom Švicarske rezultatom **4:1**, dok je jedini pogodak za reprezentaciju BiH postigao Mahmić.

Završni susret grupne faze, koji je također okupio veliki broj navijača u Vogošći, odigran je **24. juna 2026. godine** između **Bosne i Hercegovine i Katara**. Reprezentacija BiH ostvarila je prvu pobjedu na prvenstvu rezultatom **3:1**, a strijelci su bili Kerim Alajbegović i Ermin Mahmić, uz jedan autogol protivničke ekipe.

Organizovanjem javnih prijenosa utakmica Trg branilaca Vogošće postao je mjesto okupljanja građana, gdje su navijači svih generacija zajedno pratili nastupe reprezentacije i uživali u posebnoj sportskoj atmosferi. Ovaj sadržaj dodatno je obogatio program manifestacije „Vogošćanski dani 2026“, pružajući građanima priliku za druženje, zajedničko navijanje i stvaranje nezaboravnih trenutaka.



4. SVEČANA SJEDNICA OPĆINSKOG VIJEĆA VOGOŠĆA

Povodom obilježavanja 24. juna – Dana Općine Vogošća, u kino sali JU Kulturno-sportski centar Vogošća održana je Svečana sjednica Općinskog vijeća Vogošća, kojoj su prisustvovali predstavnici svih nivoa vlasti, javnog, političkog, privrednog, kulturnog i vjerskog života, kao i brojni gosti i građani. Sjednica je bila centralni događaj obilježavanja Dana općine, datuma koji ima poseban historijski značaj za Vogošću.

Prisutnima su se obratili predsjedavajući Općinskog vijeća Vogošća Nihad Hadžić i načelnik Općine Vogošća Migdad Hasanović, ističući značaj 24. juna, dana kada je 1952. godine Vogošća postala administrativno-teritorijalna jedinica, ali i 24. juna 1992. godine, kada su formirani Vogošćanski odredi koji su dali nemjerljiv doprinos u odbrani Bosne i Hercegovine. U svojim obraćanjima osvrnuli su se na ostvarene rezultate u razvoju lokalne zajednice, realizovane infrastrukturne projekte, kao i planove za daljnji razvoj općine.

Poseban dio svečane sjednice bio je posvećen dodjeli općinskih priznanja pojedincima i kolektivima koji su svojim radom, zalaganjem i ostvarenim rezultatima dali značajan doprinos





razvoju Vogošće i promociji njenih vrijednosti. Dodijeljena su najviša općinska priznanja i zahvalnice kao izraz zahvalnosti za dugogodišnji rad i izuzetna postignuća u različitim oblastima društvenog života.

Svečana sjednica protekla je u dostojanstvenoj i svečanoj atmosferi, uz poruke zajedništva, međusobnog uvažavanja i nastavka razvoja lokalne zajednice. Obilježavanje Dana Općine Vogošća još jednom je potvrdilo važnost njegovanja historijskih vrijednosti, odavanja priznanja zaslužnim pojedincima i kolektivima te jačanja zajedničke vizije daljnjeg napretka općine.



5. IZVJEŠTAJ STATISTIKE DRUŠTVENIH MREŽA VOGOŠĆANSKIH DANA

Izveštaj Facebook statistike

Tokom trajanja manifestacije Vogošćanski dani 2026, Facebook stranica ostvarila je izuzetno visok doseg i angažman korisnika.

Metrika	Vrijednost
Ukupan broj pregleda	396.643
Rast pregleda	+17000%
Engagement (Komentari, lajkovi...)	23231
Rast engagmenta	+48298%
Konverzacije	19

Vrste sadržaja prema pregledima

Vrsta sadržaja	Udio pregleda
Galerija fotografija	44,9%
Fotografija	40,8%
Reel/Video	11,4%
Link	2,6%
Tekstualne objave	0,1%





Analiza rezultata

Facebook stranica je tokom manifestacije ostvarila skoro 400 hiljada pregleda sadržaja, što predstavlja rast od približno 17.000% u odnosu na prethodni period.

Ukupan angažman korisnika iznosio je 23.231 interakciju, uz povećanje od čak 48.298%, što potvrđuje da je sadržaj izazvao značajno interesovanje publike.

Najveći broj pregleda ostvarile su objave sa više fotografija (44,9%), dok su pojedinačne fotografije činile 40,8% ukupnih pregleda. Video sadržaji (Reels) učestvovali su sa 11,4%, dok su linkovi i tekstualne objave imali znatno manji udio.

Zaključak

Rezultati pokazuju da je Facebook bio jedan od najefikasnijih kanala promocije manifestacije Vogošćanski dani 2026. Posebno su se istakle objave sa fotografijama, koje su ostvarile više od 85% svih pregleda sadržaja, potvrđujući da vizuelni sadržaj ostvaruje najveći interes publike.

Ukupan broj od gotovo 400.000 pregleda, zajedno sa preko 23.000 interakcija, predstavlja veoma uspješnu kampanju koja je značajno doprinijela vidljivosti manifestacije i informisanju građana.

Izveštaj Instagram statistike

Tokom trajanja manifestacije Vogošćanski dani 2026, Instagram profil ostvario je značajan doseg i visok nivo interakcije korisnika.

Metrika	Vrijednost
Ukupan broj pregleda	170.529
Dosegnuti nalozi	16.465
Interakcije	2.806
Novi pratioci	53

Vrste sadržaja prema pregledima

Objava	Broj pregleda
Objave (Posts)	101.000
Story	57.000
Reels	11.000

Analiza rezultata

Instagram profil je tokom manifestacije ostvario 170.529 pregleda sadržaja, pri čemu je sadržaj dosegao 16.465 jedinstvenih naloga. U posmatranom periodu zabilježeno je 2.806 interakcija, dok je profil ostvario 53 nova pratioca, što ukazuje na rast zajednice i povećano interesovanje publike.





Najveći broj pregleda ostvarile su klasične objave (Posts) sa ukupno 101.000 pregleda, zatim Story sadržaji sa 57.000 pregleda, dok su Reels ostvarili 11.000 pregleda.

Među pojedinačnim objavama posebno su se izdvojili sadržaji vezani za koncert Zabranjenog pušenja (30.000 pregleda), nastupe kulturno-umjetničkih društava (13.000) te objava o Zambacima (12.000 pregleda).

Zaključak

Rezultati pokazuju da je Instagram bio veoma značajan kanal promocije manifestacije Vogošćanski dani 2026, posebno za vizuelni sadržaj i svakodnevno informisanje publike. Objave i Story sadržaji zajedno su ostvarili najveći broj pregleda, potvrđujući da korisnici najviše prate fotografije i kratke informacije o programu manifestacije.

Sa više od 170.000 pregleda sadržaja i preko 16.000 dosegnutih korisnika, Instagram je dao značajan doprinos promociji manifestacije i povećanju njene online vidljivosti.

Ukupan zaključak (Facebook + Instagram)

Analiza rezultata na društvenim mrežama pokazuje da je promotivna kampanja za manifestaciju Vogošćanski dani 2026 ostvarila izuzetne rezultate i značajno povećala vidljivost manifestacije među građanima.

Zajedno su Facebook i Instagram ostvarili:

Metrika	Vrijednost
Ukupan broj pregleda sadržaja	567.172
Ukupne interakcije	26.037

Ukupno je ostvareno više od 567 hiljada pregleda sadržaja, uz preko 26 hiljada interakcija, što potvrđuje da je sadržaj izazvao veliko interesovanje publike tokom trajanja manifestacije.

Na Facebooku su najveći uspjeh ostvarile galerije fotografija i pojedinačne fotografije, dok su na Instagramu najveći broj pregleda zabilježile objave i Story sadržaji. Najgledaniji sadržaji odnosili su se na koncert Zabranjenog pušenja, Ibri Bublina, nastupe kulturno-umjetničkih društava i druge programske aktivnosti manifestacije.

Ukupni rezultati potvrđuju da su društvene mreže bile jedan od ključnih komunikacijskih kanala za promociju manifestacije Vogošćanski dani 2026, doprinoseći većoj informisanosti građana, većoj posjećenosti programa i jačanju prepoznatljivosti manifestacije. Posebno se pokazalo da vizuelni sadržaj - fotografije, galerije i Story objave - ostvaruje najveći interes publike, što predstavlja važnu smjernicu za planiranje budućih promotivnih kampanja.

6. ZAKLJUČCI I PRIJEDLOZI ZA UNAPREĐENJE

Prilikom razmatranja i usvajanja Izvještaja, Organizacioni odbor izvršio je analizu ovogodišnjih Vogošćanskih dana te predlaže slijedeće zaključke:

1. Da Općinsko vijeće Vogošća da saglasnost za organizaciju zabavnog parka na prostoru pomoćnog stadiona „Hakija Mršo“ u okviru manifestacije „Vogošćanski dani“, s ciljem unapređenja kvaliteta i sadržajnosti manifestacije, povećanja broja posjetilaca, razvoja turističke ponude Općine Vogošća, stvaranja dodatnih sadržaja namijenjenih porodicama i





djeci, te ostvarivanja dodatnih vlastitih prihoda koji će biti usmjereni na unapređenje i finansijsku održivost manifestacije. Organizacioni odbor cijeni da je zabavni park danas neizostavan segment savremenih kulturno-zabavnih manifestacija, koji značajno doprinosi njihovoj atraktivnosti i prepoznatljivosti. Njegovim organizovanjem stvaraju se pretpostavke za duži boravak posjetilaca na prostoru manifestacije, veću posjećenost kulturnih, sportskih i zabavnih programa, povećanje broja gostiju iz drugih lokalnih zajednica, te afirmaciju Vogošće kao poželjne destinacije za održavanje manifestacija od javnog interesa.

Pored navedenog, prihod ostvaren po osnovu korištenja prostora predstavlja značajan izvor vlastitih sredstava za organizaciju manifestacije, čime se omogućava unapređenje programskih sadržaja, angažovanje većeg broja izvođača i realizacija dodatnih aktivnosti, bez povećanja izdvajanja budžetskih sredstava.

Analiza posjećenosti manifestacije u odnosu na organizaciju zabavnog parka

Analizom realizacije prethodnih izdanja manifestacije „Vogošćanski dani“ može se zaključiti da je organizacija zabavnog parka imala značajan pozitivan uticaj na ukupnu posjećenost i dinamiku odvijanja manifestacije.

U godinama u kojima je zabavni park bio sastavni dio manifestacije evidentiran je kontinuirano veći broj posjetilaca tokom svih dana održavanja programa, pri čemu je prosječna dnevna posjećenost bila veća za oko **1.000 posjetilaca** u odnosu na godine u kojima ovaj sadržaj nije bio organizovan. Posebno je izražen porast broja porodica sa djecom i mladih, koji upravo zabavni park prepoznaju kao jedan od glavnih motiva dolaska na manifestaciju.

Prisustvo zabavnog parka pozitivno utiče i na dužinu boravka posjetilaca na prostoru manifestacije. Posjetioци koji dolaze zbog zabavnog parka u pravilu prisustvuju i koncertnim, kulturnim, sportskim i drugim programskim sadržajima, koriste ugostiteljsku ponudu i posjećuju izlagače, čime se ostvaruje sinergijski efekat između svih segmenata manifestacije.

Nasuprot tome, u periodima kada zabavni park nije bio organizovan zabilježen je manji intenzitet posjete, naročito u dnevnim terminima, kraće zadržavanje posjetilaca i slabija zastupljenost porodičnih sadržaja. Posjećenost je u najvećoj mjeri bila koncentrisana isključivo u terminima večernjih koncerata, dok su ostali programski sadržaji imali znatno manji broj posjetilaca.

Na osnovu iskustava iz prethodnih godina može se zaključiti da organizacija zabavnog parka predstavlja jedan od ključnih faktora povećanja posjećenosti i ukupnog kvaliteta manifestacije „Vogošćanski dani“ te je opravdano planirati njegovo uvrštavanje u buduće programe manifestacije.

Tokom dosadašnje organizacije manifestacije izbor korisnika prostora vršen je na način da se zakupac obavezuje ispuniti uslove u vezi sa sigurnošću posjetilaca, tehničke ispravnosti sadržaja, zaštite javnog prostora i drugih aspekata značajnih za uspješnu realizaciju manifestacije.

Na osnovu iskustava stečenih u prethodnim godinama, kao i primjedbi i prijedloga građana, nadležnih službi i učesnika manifestacije, Organizacioni odbor smatra da je potrebno dosljedno primjenjivati postojeće uslove, uz njihovu razradu i pojačan nadzor u dijelu u kojem su uočeni određeni nedostaci u praksi.





U tom smislu, i u narednom periodu javnim pozivom će biti uređena pitanja koja se odnose na:

- vrstu, broj, kvalitet i tehničku ispravnost zabavnih sprava i pratećih sadržaja;
- posjedovanje svih propisanih atesta, certifikata i dozvola za rad;
- ispunjavanje sigurnosnih, protivpožarnih, sanitarno-higijenskih i drugih zakonom propisanih uslova;
- osiguranje od odgovornosti i primjenu mjera zaštite korisnika i posjetilaca;
- radno vrijeme zabavnog parka;
- vrstu, jačinu i vrijeme emitovanja muzike, u skladu sa važećim propisima;
- održavanje čistoće, urednosti prostora i pravilno upravljanje otpadom;
- izgled i uređenje privremenih objekata i prostora;
- primjerenost sadržaja karakteru manifestacije;
- obavezu uklanjanja privremenih objekata i vraćanja prostora u prvobitno stanje nakon završetka manifestacije.

Na ovaj način osigurat će se kontinuitet primjene postojećih standarda organizacije, uz otklanjanje nedostataka uočenih tokom prethodnih realizacija manifestacije i dalje unapređenje kvaliteta i sigurnosti svih sadržaja.

Na navedeni način osigurava se transparentan izbor korisnika prostora, visok nivo sigurnosti posjetilaca, kvalitet i raznovrsnost sadržaja, očuvanje javnog interesa te dalji razvoj manifestacije „Vogošćanski dani“ kao jedne od najznačajnijih kulturno-zabavnih manifestacija na području Općine Vogošća.

2. Organizacioni odbor predlaže da se u okviru Manifestacije programski sadržaji dodatno obogate organizacijom Street Food Marketa, kao savremenog gastronomskog sadržaja koji će doprinijeti povećanju atraktivnosti manifestacije, unapređenju turističke ponude Općine Vogošća, većoj posjećenosti i dužem zadržavanju posjetilaca na prostoru održavanja manifestacije. Odbor cijeni da gastronomski sadržaji predstavljaju nezaobilazan dio savremenih kulturno-zabavnih manifestacija i festivala, jer doprinose stvaranju cjelovitog festivalskog ambijenta, privlače različite kategorije posjetilaca i podstiču veću posjećenost svih programskih aktivnosti. Organizacijom Street Food Marketa manifestacija dobija dodatnu vrijednost kroz objedinjavanje kulture, zabave, gastronomije i druženja na jednom mjestu.

Poseban značaj ovog sadržaja ogleda se u mogućnosti uključivanja lokalnih ugostitelja, proizvođača hrane, obrtnika i drugih privrednih subjekata, čime se podstiče razvoj lokalne privrede, promocija domaćih proizvoda i stvaranje novih poslovnih prilika tokom trajanja manifestacije.

Radi osiguranja kvaliteta, transparentnosti i raznovrsnosti ponude, organizator će izbor učesnika izvršiti putem javnog poziva kojim će biti propisani uslovi i kriteriji za učešće, a naročito:

- kvalitet i raznovrsnost gastronomske ponude;
- ispunjavanje svih sanitarnih, higijenskih i veterinarskih uslova propisanih važećim propisima;
- izgled, funkcionalnost i estetsko uređenje prodajnih kućica, štandova ili mobilnih ugostiteljskih objekata;





- radno vrijeme učesnika;
- obaveza održavanja čistoće prostora i pravilnog odlaganja otpada;
- korištenje ambalaže i materijala prihvatljivih za okoliš, gdje je to moguće;
- poštivanje komunalnog reda, sigurnosnih i protivpožarnih propisa;
- zabrana prodaje proizvoda i pružanja usluga koje nisu u skladu s karakterom manifestacije.

Organizacioni odbor smatra da će organizacija Street Food Marketa značajno doprinijeti daljem razvoju manifestacije „Vogošćanski dani“, povećanju njene prepoznatljivosti i konkurentnosti u odnosu na slične manifestacije u Bosni i Hercegovini, unaprijediti iskustvo posjetilaca te doprinijeti promociji Općine Vogošća kao destinacije kulturnih, turističkih i gastronomskih događaja.

3. Organizacioni odbor predlaže Općinskom vijeću Općine Vogošća da podrži inicijativu prema kojoj će udruženja koja ostvaruju finansijska sredstva iz Budžeta Općine Vogošća, u okviru manifestacije „Vogošćanski dani“ i u skladu sa svojim registrovanim djelatnostima, planirati i realizovati najmanje jednu programsku aktivnost bez naknade, kao doprinos obogaćivanju sadržaja manifestacije i njenoj uspješnoj realizaciji.

Općinsko vijeće podržava da se navedena inicijativa dalje razradi i provede od strane nadležnih općinskih organa, u skladu sa važećim propisima i aktima Općine Vogošća.

Odbor smatra da manifestacija „Vogošćanski dani“ predstavlja centralni kulturni, sportski i društveni događaj Općine Vogošća, čiji uspjeh treba biti rezultat zajedničkog angažmana javnih ustanova, udruženja, privrednih subjekata i građana. S obzirom na činjenicu da Općina Vogošća kontinuirano pruža finansijsku podršku radu udruženja kroz budžetska sredstva, opravdano je očekivati da udruženja, u okviru svojih programskih aktivnosti i u skladu sa svojim mogućnostima, daju doprinos manifestaciji od posebnog značaja za lokalnu zajednicu. Takav angažman predstavlja izraz društvene odgovornosti, partnerstva i zajedničkog rada na promociji Općine Vogošća, a istovremeno omogućava udruženjima da predstave svoj rad, ostvare neposredan kontakt sa građanima i doprinesu razvoju kulturnog, sportskog, edukativnog, humanitarnog i drugih sadržaja, u skladu sa oblastima svog djelovanja.

Učešće udruženja bez naknade ne bi predstavljalo dodatno finansijsko opterećenje, već bi bilo dio njihovog doprinosa zajednici koja kroz budžetska izdvajanja kontinuirano podržava njihov rad i razvoj. Na taj način manifestacija bi dobila bogatiji i raznovrsniji program, povećala bi se uključenost lokalne zajednice, razvijao osjećaj zajedničke odgovornosti za manifestaciju, te dodatno afirmisao volonterski i društveno koristan angažman.

Organizacioni odbor cijeni da bi ovakav model saradnje doprinio jačanju partnerstva između Općine, javnih ustanova i udruženja građana, racionalnijem korištenju javnih sredstava, većoj vidljivosti rada udruženja i daljem razvoju manifestacije „Vogošćanski dani“ kao zajedničkog projekta cijele lokalne zajednice.





7. FINANSIJSKI IZVJEŠTAJ

R.B.	OPIS	IZVRŠENJE
PRIHODI		
1.	Grant JU KSC Vogošća za projekte i manifestacije	74,000.00
2.	Ministarstvo CP BiH	5,000.00
3.	Ministarstvo kulture i sporta FBiH	15,000.00
4.	Ministarstvo okoliša i turizma FBiH	14,242.00
5.	Turistička zajednica KS	4,000.00
6.	Ostali prihod	19,427.00
7.	Donacije, sponzorstva, zakup javne površine	6,956.00
UKUPNO		138,625.00
RASHODI		
I OPŠTI TROŠKOVI		
1.	Obezbeđenje manifestacije (ograda, zaštitari, hitna pomoć)	8,140.00
2.	Propagandni materijal	9,100.00
3.	Trošak bine, razglasa i nabavke opreme	21,000.00
4.	Nabavka osvježenja za manifestaciju	630.90
5.	Autorska prava	561.60
6.	Izrada elaborata, takse	1,029.50
7.	Zakup javne površine	391.96
8.	Hotelski smještaj i prevoz	2,861.50
9.	Ostali troškovi (utrošak struje, dovod struje za štandove, nabavka stolica, nagrade)	2,876.13
UKUPNO I		46,591.59
II PROGRAMSKI SADRŽAJI		
Kultura i zabava		





VOGOŠĆANSKI DANI

1.	Zabava za djecu	3,700.00
2.	Izložbe slika i rukotvorina	500.00
3.	Pozorišne predstave	6,700.00
4.	Promocija knjiga, film	2,124.64
5.	Koncerti	59,350.00
6.	Inkluzivna radionica	3,557.83
UKUPNO		75,932.47
Sport		
1.	Sportske aktivnosti klubova	2,100.00
2.	Sportske igre mladih	14,000.00
UKUPNO		16,100.00
UKUPNO II		92,032.47
UKUPNO I+II		138,624.06

ORGANIZATORI

JP RTV Vogošća

JU KSC Vogošća

Edin Spahić, direktor

Alisa Konaković, direktorica

Dostaviti:

- Općinski načelnik putem Službe za privredu, lokalni i integrisani razvoj i društvene djelatnosti
- Općinsko vijeće Vogošća
- a/a 2x

